


Važne informacije o djeci i COVID-19

Trebam li se brinuti da li će se moje dijete zaraziti u školi?

- Djeca se mogu zaraziti, a takođe mogu zaraziti drugu djecu i odrasle. Međutim, djeca ne prenose koronavirus u istoj mjeri kao i ostali.
- Znanje i iskustvo iz epidemije pokazuju da djeca - posebno djeca mlađa od 10 godina - imaju manji rizik od zaraze nego mladi i odrasli.
- Djecu uglavnom zaraze drugi članovi porodice a rijetko se zaraze u dječjim ustanovama i školama.



Da li djeca ozbiljno oboljevaju od COVID-19?

- Djeca zaražena novim koronavirusom obično nemaju simptome ili imaju samo blage simptome.
- Čak i djeca sa kroničnim bolestima vrlo rijetko ozbiljno obole kada se zaraze.

Šta škola radi u pogledu sprečavanja zaraze?

- Danas znamo mnogo o tome kako spriječiti zarazu novim koronavirusom.
- Sljedeći mjere za sprečavanje zaraze - poput boravka kod kuće ako ste bolesni ili ste u bliskom kontaktu sa zaraženim, ako kašljete i kišete u rukav, ako se držite na distanci, održavate dobru higijenu ruku i vodite računa o temeljitom čišćenju doma - možete značajno smanjiti rizik od zaraze.
- Zbog toga što je djeci teško držati distancu u učionici i izvan nje, uvode se sljedeće korisne mjere za sprečavanje zaraze:
 - o Ograničeni kontakt među djecom iz različitih razreda.
 - o Dodatni fokus na čišćenje i sprečavanje okupljanja učenika u velikim grupama, na primjer na školskom dvorištu.
 - o Učitelji i vaspitači imaju pravo da nose štitnik za lice, a roditelji i drugi posjetitelji moraju da nose masku za lice kada su u školi ili u dječjoj ustanovi, npr. kada pakuje i ostave svoju djecu.
 - o Otkazivanje društvenih događaja u školi radi sprečavanja zaraze.



- Ako se neko zarazi u školi: odmah slijedite uputstva kako spriječiti, ograničiti i zaustaviti širenje COVID-19.

Kakav uticaj ima nova varijanta koronavirusa B.1.1.7 na zarazu kod djece?

- B.1.1.7 je varijanta virusa koja je zaraznija od varijante virusa na koju smo navikli.
- Kao i druge poznate varijante virusa, B.1.1.7 se širi kapljičnim putem i kontaktom sa predmetima i površinama. To znači da možemo spriječiti zarazu B.1.1.7 virusom slijedeći uputstva koja već dobro poznajemo: Ostanite kod kuće ako ste bolesni ili ako ste u bliskom kontaktu sa nekim ko je zaražen, održavajte dobru higijenu ruku, držite se na distanci i osigurajte temeljito čišćenje i ventilaciju.
- B.1.1.7 je još uvijek nova varijanta koronavirusa u Danskoj i još uvijek ne znamo mnogo o njoj. Zdravstvene vlasti u Danskoj pažljivo prate širenje zaraze B.1.1.7 virusom i proučavaju međunarodne informacije i znanje o varijanti virusa.